

ह्रस्व-दीर्घया म्ये

नेपाल भाषाका पुस्तकहरू

१ मस्तय सफू, भाग १	ले० श्री सूर्यवहादुर पिवा	१७५
२ " " भाग २	" " "	११-
३ नेपाल भाषा खःकथं च्वय्गु लुपं	" " "	१४०
४ ह्रस्व-दीर्घ या मे	" " "	१२०
५ मुस्वौं	" श्री धुयास्वौं सायमी	१३६
६ मचा बाँख	" श्री मा० जगतलाल	१५०
७ जगत वर्णमाला	" " "	१४०
८ एंग्लो नेपाल भाषा पुण्य पाठ्य पुस्तक प्राइमर	" पुण्यरत्न बज्राचार्य	१७५
९ ए प्रयाक्तिकल ट्रान्सलेशन (एंग्लो नेपाल भाषा)	" मा० जगतलाल	१५०
१० इंग्लिश ग्रामर	" " "	११-
११ सत्य वर्णमाला	" श्री सत्यमोहन जोशी	१५०
१२ लिधंसा प्रथम भाग	बज्राचार्य वं जोशी	१८०
१३ " द्वितीय भाग	"	११२५
१४ पासा	धुयास्वौं सायमी	२१५०
१५ गंकी	"	प्रेसे
१६. चिनियामह किसिचा	दुर्गालाल	११२५

सूर्यवहादुर 'पिवाः'

पिकाक

रत्न पुस्तक भण्डार

काठमाडौं, नेपाल

न्यू ज्वाला प्रेस, त्रिलोचनघाट, वाराणसी ।

पेको खुसि १०००]

१०८७

[मू० १२९

रवि शाक्य
इखाछे, यल

ह्रस्व-दीर्घया म्ये

थाय्-थाय् स्वयाः पानाच्चंगु ह्वायेगु भाय्यात
फछिफक्को छता नक्सां ह्वाना हयेमाल ॥
गुगु शब्दयागु रूप शुद्ध धाये थाकुल
थःपिं थाय्गु भाय् है जक बांलाः धाये मजिल ॥
प्रमाणित, आधुनिक शुद्ध रूपयात
थःनाला आः झीसं च्वया यंकेमाल झट्ट ॥
उकिं थुगु सफूचाय् छि खःगु रूप क्यना,
शुद्ध नक्सां च्वये सयेका दिसै स्वयाः-च्वनाः ॥

× × ×

श्री र. पु. भं. थुगु जिगु सफूचा पिकाल,
खःथें च्वंसा थुकिइ च्वंथें च्वया यनेमाल ॥

सूर्यबहादुर 'पिवाः'

शान्ति निकुञ्ज विद्यालय

(सह-शिक्षालय), काठमाडौं ।

(२)

दुहाँ

‘अ, आ, इ, उ, य, व’ फुकं ह्रस्व-दीर्घ दःगु
धका सिइका कायेमाल नेपाः भाषा धाःगु ॥
‘क, का, कि, कु, क्य, क्व, कँ’-या दीर्घ रूप धाःगु
‘कः, काः, की, कू, क्यः, क्वः, कँ’ खः धका सिइके माःगु ॥

संज्ञा

आखः लोप जुउसा उगु खँगो दीर्घ च्वये,
आखः लोप मजुलसा ह्रस्व यानाछये ॥
उकिं ! ‘खः, गाः, ती, तू, ख्यः, क्वः*’ थुपिं दीर्घ जुइ,
तर ‘खँ, गा, ति, तु’ †-फुकं ह्रस्व-जक च्वइ ॥१॥
‘ए, ऐ,’ कारयागु लिउनय आखः जुउसा लोप
उच्चारणं यानाः छुं न तये म्वाः न्है चिन्ह ॥
उकिं मेस, फैस, खेँच आदि शब्दयागु
‘मे, फै, खेँ’ हे जक च्यःसा चाया बिया च्वंगु ॥२॥
‘स, च, ज’ ला लोप जुउसा ‘अ, आ’ लि ‘य’ वइ
उकिं ‘बाय्, म्हाय्, बनय्’ च्वयेमाल धका खंकि ॥३॥

ॐ ‘य व व’ निगः आखः नेपाल भाषाय् स्वर नं व्यञ्जन नं जुया च्वन ।
ए व आ धाःगा दीर्घ जक जुइ । तर ‘य व व’ या दीर्घ ‘यः व व’ खः
* ख (त) = रय; गा (ल) खाडल; ति (ल) = कोठी; तु (ल) = चिकं
पिकायेगु दू; ख्य (ल) = चौर; क्व (ल) = बुयेगु वस्तु
† खँ = बात, गा = न्ययेगु वस्तु, ति = झोल, तु = नयेगु वस्तु

(३)

‘अ’ लि ‘ति, थि नि, लि’† लोपं ‘अ’ जुइ; ‘पौ’ पलिं,
‘उ’ लि लोप जुउसा दीर्घ, ‘सुखू’ च्वये ‘सुखुलिं’ ॥४॥

उजो * शब्द मेगु भाषाय् गथे खः अर्थे तुं,
उर्थे ॐ शब्द धाःसा च्वये नेपाः शब्द थें तुं ॥
उकिं ‘बल, देश, हर्षमान’ शुद्ध खंके,
‘बः, दे हखमां’-थुपिं नं शुद्ध ताया यंके ॥५॥

छगः सिकं अप्पो आखः दःगु शब्दयागु
न्ह्यःगु आखः आपाः यानाः ह्रस्व जक च्वयेगु ॥
अथे जुया ‘इताः’ उजं, च्यब, क्वत’-यागु
ह्रस्व जुल छसिकथं आखः न्हनय् च्वंगु ॥
सन्धि जुयाच्वंगु शब्दयागु न्ह्यःआखःसा,
छगू शब्द जुउसां आखः लोप जुल धाःसा,
दीर्घ जुइ फुकं ‘कार’; उकिं ख्वःसः, मूति,
दीर्घ जुया बिइगु जुल-‘ई-व्यः, गःतां, कःति ॥६॥

अन्तय् च्वंगु नेपाः भाषायागु आखः ब्याकं
ह्रस्व जक जुइ सिइके-‘भाजु, ज्यामि’ धाकां ॥७॥

† पी (पलि), धौ (धलि), खौ (खलि), सुखू (सुखुलि), सफू (सफुलि),
भौ (भति), थौ (थनि), पौ (पति), इत्यादि ।

* उजो = तत्सम

ॐ उत्थें = तद्भव

छं-छां आखः लोप जुउसा 'अ, आ' लिउनय् निफुति, ‡
 'इ, उ, य, व, दीर्घः; 'म न' कार हिलि फुतिइ ॥
 उकि 'सिजः, पिवाः, फुकी, मनू, नां, लं' च्यः, ज्वः, ●
 दीर्घ जुल अन्तय् 'नां, लं, जः, वाः, को, नू, च्यः, ज्वः' ॥८॥

क्रिया

निगः आखः यागु क्रियाय् न्ह्यःनय् च्वंगु आखः
 ह्रस्व जुइ 'तोते' तोता क्रियापाखे व्याकृ ॥
 "क्यले, स्वके, प्यये, चिले, चिने" क्रियायागु
 फुकं रूपय ह्रस्व च्वयेमाल न्ह्यःनय् च्वंगु ॥९॥
 क्रियानापं वइ बलय् न्ह्यःनय् च्वनाः थिइक
 उपसर्ग जुउसा ह्रस्व; संज्ञादिसा दीर्घ ॥
 उकि 'दुकाये, क्वकाये, पिच्छये, पोचिये, मोल्हुये
 ह्रस्व-दीर्घ स्वयाः-स्वयाः जुइ सिइका काये ॥ १०
 स्वंगः प्यंगः आखः दःगुलिस 'ये' बाहेक
 क्रियाय् दथुइ 'इ, उ, य, व, जुइ ह्रस्व जक ॥
 'मायेप्वये, पुतिहाये, गोतुले, प्ययेके
 थथे क्रियाय् दथु आखः ह्रस्व जुइ सिइके ॥
 मूल क्रियाय् "एकार" सदां दीर्घ जुइ
 फुकं "कार" मेगु रूपय् तर ह्रस्व जुइ ॥

‡ अ, आ, य, व-या लिउनय् आखः लोप जुउ कि वइगु चि (:)
 ॥ अनुस्वार

१ सिज (ल); पिवा (ल); फुकी (ज); मनु (ख); ना (म); ल (न);

"गथे, सिले, तप्पने" स उकि दीर्घ जुल,
 गइ, सिउ, तप्प-थुकिइ ह्रस्व जुयाबिल ॥१२॥
 वर्तमान क्रिया दीर्घ प्रथम, मध्यमय्,
 'एकार' या न्हापा 'अ, आ, य, व' कार बलय् ॥
 उकि 'वं जा नः' 'छं जा नः' नः दीर्घ जुउवल,
 'वं सफू व्व', 'छं जाकि क्यः', 'व्व, क्यः' दीर्घ जुल ॥१३॥
 भूतपूर्व क्रिया दीर्घ निगुलिं हें रूपय्,
 'जा नयाः वा', 'जा मनसैं', दीर्घ जुल 'याः' 'सैं' ॥१४॥
 'गु, ह्य, सा, नि' युक्त क्रियाय् 'इ, उ' न्ह्यः मखुसा
 निफुति नं व बखतय वइ सिइके पासा !
 उकि 'याःगु, व्वह्य, क्यःसा, मनःनि, स सदा
 निफुति नं नापं वइ थ्व खँ लुमंके न्हां ॥१५॥
 'वये, जुये' आदि नापं मेगु त्वाकःज्यासे
 वइ बलय् न्ह्यःनय्यागु क्रिया वर्तमानय् ॥
 'नःजुल, धाःवल'—थुकिइ 'नः' धाः वर्तमानय्
 'वं क्यंजुल, वं थिउवलः' 'क्यं, थिउ' वर्तमानय् ॥१६॥
 'चाले, हाले, पुले' आदि कृयायागु न्ह्यःनय्
 क्रिया विशेषण नापं क्रिया जुउसा बनये
 दीर्घ जुइ व न्ह्यःआखः 'मूहाले, फूचाले,'
 उकि 'मू, फू' दीर्घ यासे च्वयेमाल खने ॥१७॥
 उकारान्त विशेषण वःगु वर्तमानय्
 अन्तय 'उ' तं वइ मखु, ह्रस्व जक क्यने ॥

‘थ्व भवं सालु, थ्व ज्या थाकु, थथे जक जुइ
‘सालुये, थाकुये,’ क्रिया ‘सालु, थाकु’ वइ ॥१८॥

विशेषण

‘कु, गु, तु, पु, लु, सु’ अन्तय् लाःगु विशेषण
ह्रस्व जुया बिइ, सेगु दीर्घ जुयाच्वन ॥
‘थाकु, यःगु, तःपु, छ्वाळ, छ्वासु, क्वातु’ उर्कि
तर ‘तुयू, खू, तः, बांलाः’ दीर्घ जुइ थुपिं व ॥ १९ ॥
दीर्घ आखः विशेषण निको बल धाःसा
न्हापांयागु ह्रस्व जुइ, लिगु दीर्घ पासा !
उर्कि ‘ततः,’ ‘चिचो धने’ च्वये बल्य् ‘त, चि’
ह्रस्व च्वये, तर च्वये दीर्घ लिगु ‘तः, ची’ ॥ २० ॥
‘भति, उलि, गुलि’ स ‘चः’ वःसा ‘ति, ‘लि’ नित्तां
ह्रस्व-दीर्घ नं फः जुये, दीर्घय् जोड आपाः ॥ २१ ॥
‘निगू, झिगू’ ‘नि, झि’ अर्थय् तोता फुकं थासय्
संख्यावाची आखःया न्ह्यः दीर्घ यने च्वसे ॥
उर्कि ‘ख्वीगू, पीगः, नीगू, नीनिगू, स्वीप्यंगू’
च्वयेमाल दीर्घ न्ह्यःनय्, लिउनय च्वंगु नं ‘गू’ ॥२२॥

सर्वनाम

सर्वनाम फुकं ह्रस्व, ‘झी’ छगू बाहेक

‘जि, छि, व, थ्व-’थुपिं फुकं जुइ ह्रस्व जक ॥

तर आखः लोप जुल धाःसा दीर्घ जुई
‘छः पो, वय्कः’ थन धाःसा ‘पो, कः’ दीर्घ जुइ ॥२३॥

विदेशी शब्द

संस्कृतं व मेगु भाषां झीगु भाषाय् वःगु
शब्द उगु भाषाय् गथे खः च्वये जथे तुं ॥
उर्कि ‘हानि, दानो, विद्या, आर्थिक, गरीब,—
छसिकथं च्वयेमाल धकाः सिइका काव ॥
मेगु भाषां वयाच्वंगु शब्दया ‘आ’ कार
चिं मरुसां दीर्घ, झीगु शब्दय् चिं माः तर ॥
उर्कि ‘जाया जाति’ अर्थय् ‘जा’ ह्रस्व खः सिइके
‘जातिपाति’ थ्व शब्दय् छिं ‘जा, पा’ दीर्घ खंके ॥२४॥

‘ट, ठ, ड, ढ, ण’

उजो शब्दय् जक ‘ट, ठ, ड, ढ, ण, श, व, ष’—
वइ, तर उथे शब्दय् ‘त, थ, द, ध, न, स’ ॥
उर्कि दुष्ट, स्वाँठ, खण्ड, धनाढ्य, प्रवीण,
शान्ति, शेष, मातं, क्वथा, सलां’—आदि शुद्ध ॥
थथे हे तुं सल, नास्व; धुसि, सः, सतिका,
भासय * आसय्, सः—शब्दत सिइके शुद्ध धकाः ॥२५॥

(८)

‘ट’

एकलौटी पटाङ्गिनी, रजौटा, पटक,
गफाटक, सफाचट, चौपट, चटक
कटहर, जटा, टन्टा, चुटकी, झापट,
टक, लोटा, भोट, कोट, चुरोट, कंचट,
नोट, खाटा, लाटा, कट्टा, जटिल, संकट,
विघटन, कट्ट, घाँटी, सापट, विकट,

‘ठ’

काठमाडौं, ठीक, झूठ, कठिन, ठक्कर,
ठाना, ठालू, ठिङ्ग ठेक, ठकुरी, ठेठर,
पृष्ठ, ठेस, ठोस, ठग, ठगाहा, बैठक,
ठट्टा, सेंठ, ठाँट, ठाँडो, ठेगाना, लन्ठक,
ठेकी, ठेक्का, स्वाँठ, ह्याँक, ठोकुवा, कर्मठ,
संगठन, पाठ, श्रेष्ठ, प्रतिष्ठा, ठहर,

‘ड’

बागडोर, दण्ड, खड्ग, लडन्त, भण्डार,
भण्डाफोड, झगडा, डाँक, सडक, डाक्टर,
ठण्डी, डेग, गाडा, डाँडा, डकैती, कछाड,
डाम, डाह, दौडधूप, दौडाहा, प्रचण्ड,
डिग्री, डिठ्ठा, डर, डेरा, डुलुवा, अखाडा,
डाइभर, डाँका, मोड, डायल, सडाका.

(९)

‘ढ’

ढाकछोप, ढाँचा, ढङ्ग, ढाढस, ढपोट,
ढोंगी, ढब्बू, ढाका, ढाक्रे, ढुकुटी, ढलौट,
ढाप, ढाल, ढिपी, ढुक्क, बढावा, धनाढ्य,
ढुङ्ग्री, ढेप, बढी, ढवांग, पढाइ, ढुकुडुक,

‘ण’

रामा-ण, परिणाम, प्रणाम, चरण,
ऋण, पुण्य, गुण, मणि, रावण, ग्रहण,
व्याकरण, रण, प्राण, निपुण, किरण,
वीणा, कण, गण, प्रण, मरण, तोरण,
कर्ण, राणा, कोण, गौण, गणना, उत्तीर्ण,
जीर्ण, वर्ण, श्रेणी, पाणि, प्रमाण, हरण,
वितरण, जागरण, प्रेरणा, सुवर्ण,
परिणत, वाणी, पूर्ण, निर्णय, कारण,

‘श’

आशा, अंश, ईश, कोश, आकाश, आशीष,
खुशी, चश्मा, जोशी, जोश, आशय, कोशिश,
काशी, दिशा, दृश्य, देश, तमाशा, आश्चर्य,
नक्शा, नशा, नाश, निशा, आदर्श, निश्चय,
आवश्यक, आश्वासन, कुशल, दर्शन,
पशु, प्रश्न, यश, विश्व, ईश्वर, दुश्मन,
महशूर, विशेषण, त्रिशूल, विशाल,

शत, शर्मा, शशी, शत्रु, निशाना, मुद्रिकल,
 वंश, शक्ति, शाक्य, शाखा, पिशाच, लश्कर,
 शान्ति, शाह, शिर, शिव, विशेष, शेखर,
 शिष्य, शील, शुद्ध, शुभ, पोशाक, विश्वास,
 शुरू, शुद्ध, शून्य, केश, शहर, श्यावास,
 शेर, शैली, शोक, शोभा, शायद, शरीर,
 शौख, शंका, होश, शंख, अवश्य, शिशिर,
 शकुन्तला, शुक्र, लेश, प्रकाश, केशव,
 कुश, शन, दशरथ, प्रशस्ति, शैशव,
 उपदेश, दश, श्याम, प्रशंसा, प्रायशः,
 अक्षरशः, यशोधरा, यशोदा, क्रमशः,
 आशु, राशि, रश्मि, शस्त्र, प्रवेश, प्राशन,
 पश्चात्, श्रम, श्वेत, श्वास, शारदा, शोधन,
 पराशर, शनि, पाश, वैशाख, आश्रय,
 परामर्श, वश, स्पर्श, अश्लील, संशय,
 शान, शान्त, श्रद्धा, श्राद्ध, श्मशान, आश्रम,
 श्रेय, श्राप, शरद्, शीर्ष, शिष्टता, शरण,
 आशीर्वाद, शीला, शूर, शपथ, सन्देश,
 शैतान, शंकर, आदिह तालव्य च्वये 'श' ॥२६॥

‘ष’

अभिषेक, आकर्षण, मनुष्य, भाषण,
 आविष्कार, उपनिषद्, घोषणा, भीषण,

उषा, ऋषि, कृष्ण, कृशि दृष्टान्त, पुरुष,
 चेष्टा, दुष्ट, द्वेष, नष्ट, कृषक, विशेष,
 वर्षा, विष्णु, विष, वृष्टि, औषधि, संघर्ष,
 दोष, शेष, पुष्ट, हृष्ट, परिषद्, सहर्ष,
 पष्ट, सृष्टि, वर्ष, शेष, विषय, विषाद,
 षडयन्त्र, सन्तोष, हर्ष, हितैषी, आपाढ,
 अभिलाषा, पुष्प, पौष, उत्कृष्ट, पीयूष,
 पराकाष्ठा, अष्ट, विष्टा, मस्तिष्क, निमेष,
 आदि शब्दय् ‘ष’ मूर्धन्य च्वयेमाला च्वन,
 मेमे शब्दय् धासा ‘स’ हे च्वये जियाच्वन ॥ २७ ॥

‘ब’ व ‘व’

उजो शब्द तोता: मेगु शब्दय् ‘ब’ व ‘व’ ला
 उच्चारण स्वया: च्वये नेपा: भाषा खंला ।
 उकिं वर्षा, बिया, विष, बुद्ध, बल, बोल,
 वये, पाकाः, बि, बौ, बरां’ शुद्ध धायतल ॥ २८ ॥

संक्षिप्त परिचय

हलन्तगु उच्चारण नेपा: भाषाय् मरु,
 माआख:गु साला: धायेगु चलन थौकन्ह्य दु ॥
 नेपा: भाषा ह्रस्वमय धका खंकेमाल,
 लिपा आख: लोप जुउथाय् दीर्घ दयावल ॥ २९ ॥

याज्या

१. पाःगु क्ययाः खँपुलिइ ति :—

(क) खा, खाः (ख) पा, पाः (ग) कु, कू (घ) जि, जी (ङ)
क्व, क्वः (च) भु, भू (छ) व, वः (ज) धुँ, धुं, धू (झ)
लः, लं (ञ) तु, तुँ, तुं, तू,

२. 'क, ख, त, थ, र, ल, व' आखः लोपगु झिगू खँगो बिउ ।
गथेकि हूः (हूत), न्हाय् (न्हास), नां (नाम)

३. व हे खँगोलय् आखः लोप जुल धाःसा मेगु हे अर्थ वइगु
झिगू खँगो बिउ । गथेकि पा (=सि फायेगु हथियार) अले पाः
(पाल=पालो)

४. आखः लोपगु पात धाःसा मेगु हे अर्थ वइगु झिगू खँगो बिउ ।
गथेकि ख्याः (ख्याक=कल्पित प्राणीः) ख्याः (ख्याल=ठट्टा)

५. 'ति, थि, नि, लि, रि' आखः लोपगु झिगू खँगो बिउ । गथेकि
पौ (पति=चिट्ठी), पौ (पलि=छेयात त्वपुया तइगु भाग)

६. उजो खँगो व उथें खँगो दःगु झिगू खँगो बिउ । गथे-बल, वः

७. क्वय् च्वंगु क्रियाया रूप मजिउसा जिइकिः—

(क) च्वय् (ख) खोये (ग) च्वनी (घ) तोंकल (ङ) सेंकितिनि
(च) वइ (छ) स्वै (ज) हाली (झ) होइ (ट) थोइ (ड) बीइ
(ढ) बूइ (ण) व्वी

८. आखः लोप मखुगु झिगू खँगो बिउ । गथे गा (=न्ययेगु वख
विशेष)

९. उपसर्ग च्वन धाःसा मेगु हे अर्थ वइगु झिगू खँगो बिउ ।
गथे सफाये (स+फाये)

१०. लुपाः खः क्यँसे खँपुलिइ ल्हः—

(क) हाःसा, हासा (ख) न, नः (ग) च्व, च्वः (घ) काःवा, का वा
(ङ) झिगू, झीगु (च) नकि, नकिइ (छ) धा, धाः (ज) लु, लुउ